

元次山集

丹徒王宜之
署檢

卷二



研
旅
重
訂

元
次
山
集

兩
間
書
屋
藏
本

本傳

元結後魏常山王遵十五代孫曾祖仁基字惟固從太宗征遼東以功賜宜君田二十頃遼口并馬牝牡各五十拜寧塞令襲常山公祖亨字利貞美姿儀嘗曰我承王公餘烈鷹犬聲樂是習吾當以儒學易之霍王元軌聞其名辟參軍事父延祖三歲而孤仁基勅其母曰此兒且祀我因名而字之建長不仕年過四十親姪彊勸之再調春陵丞輒棄官去曰人生衣食可適饑飽不宜復有所須每灌畦掇薪以為有生之役過此吾不思也安祿山反召結戒曰而曹逢世多故不得自安山林勉樹名節無近羞辱云卒年七十六門人私謚曰太先生結少不羈十七乃折節向學事元德秀天寶十二載舉進士禮部侍郎楊浚見其文曰一第恩子耳有司得子是賴果擢上第復舉制科會天下亂沈浮人間國子司業蘇源明見肅宗問天下士薦結

可用時史思明攻河陽帝將幸河東召結詣京師問所欲言結自以
始見軒陛拘忌諱恐言不悉情乃上時議三篇一曰議者問陛下往
年逆賊狼扈在四方者幾百萬當時之禍可謂劇而人心危矣天子
獨以匹馬至靈武合弱旅鉏彊寇曾不踰時摧銳攘凶復兩京收河南
州縣何其易邪乃今河北奸逆數犯州縣百姓轉徙不絕將士臨敵
而奔賢人君子遁逃不出陛下往在靈武鳳翔無今日勝兵而能殺
敵無今日簡禁而無亡命無今日威令而盜賊不作無今日財用而
百姓不流無今日爵賞而士不散無今日朝廷而賢者思仕何哉將
天子能以危為安而忍以未安忘危邪對曰此非難言之前日天子
恨愧陵廟為羯逆傷汙憤悵上皇南幸巴蜀隱憚宗戚見誅側身勤
勞不憚親撫士卒與人權位信而不疑渴聞忠直過弗諱改此以弱
制強以危取安之繇也今天子重城深宮燕和而居凝冕大昕纓佩

而朝太官具味視時而獻太常備樂和聲以薦國機軍務參籌乃敢
進百姓疾苦時有不聞廐芻良馬官藉美女輿服禮物休符瑞牒日
月充備朝廷歌頌盛德大業聽而不厭四方貢賦爭上尤異諧臣顓
官怡愉天顏文武大臣至於庶官皆權賞踰望此所以不能以彊制
弱以未安忘危若陛下視今日之安能如靈武時何寇盜強弱可言
哉二曰議者曰吾聞士人共自謀昔我奉天子拒凶逆勝則國家兩
全不勝則兩亡故生死決於戰是非極於諫今吾名位重財貨足爵
賞厚外無仇讎害我內無窮賤迫我何苦當鋒刃以近死忤人主以
近禍乎又聞吾州里有病父老母孤兒寡婦皆力役乞丐凍餓不足
況於死者人誰哀之又問曰天下殘破蒼生危害受賦與役者皆寡
弱貧獨流亡死徙悲憂道路蓋亦極矣天下安我等豈無猷畝自處
若不安我不復以忠義仁信方直死矣人且如此奈何對曰國家非

欲其然蓋失於太明太信耳太明則見其內情將藏內情則罔惑生不能令必信信可必矣而太信之中至奸尤惡之如此遂使朝廷亡公直天下失忠信蒼生益冤結將欲治之能無端由吾等議於野又何所及三曰議者曰陛下思安蒼生滅奸逆圖太平勞心悉精於今四年說者異之何哉對曰如天子所思說者所異非不知之凡有詔令丁寧事皆不行空言一再頗類諧戲今有仁卹之令憂勤之誥人皆族立黨語指而議之天子不知其然以為言雖不行猶足以勸彼沮勸在乎明審均當而必行也天子能行已言之令必將來之法雜徭弊制拘忌煩令一切蠲蕩任賢士斥小人推仁信威令謹行不惑此帝王常道何為不及書上帝悅曰卿能破朕憂擢右金吾兵曹參軍攝監察御史為山南西道節度參謀募義士於唐鄧汝蔡降劇賊五千瘞戰死露齒於泌南名曰哀丘史思明亂帝將親征結建言賊

銳不可與爭宜折以謀帝善之因命發宛葉軍挫賊南鋒結屯泌陽
守險全十五城以討賊功遷監察御史裏行荆南節度使呂諲請益
兵拒賊帝進結水部員外郎佐諲府又參山南東道來瑱府時有父
母隨子在軍者結說瑱曰孝而仁者可與言忠信而勇者可與全義
詎有責其忠信義勇而不勸之孝慈邪將士父母宜給以衣食則義
有所存矣瑱納之瑱誅結攝領府事會代宗立固辭丐侍親歸樊上
授著作郎益著書作自釋曰河南元氏望也結元子名也次山結字
也世業載國史世系在家牒少居商餘山著元子十篇故以元子為
稱天下兵興逃亂入犄玗洞始稱犄玗子後家灋濱乃自稱浪士及
有官人以為浪者亦漫為官乎呼為漫郎既客樊上漫遂顯樊左右
皆漁者少長相戲更曰聲叟彼誚以聲者為其不相從聽不相鉤加
帶笭簪而盡船獨聲斲而揮車酒徒得此又曰公之漫其猶聲乎公

守著作不帶笭箠乎又漫浪於人間得非聲斷乎公漫久矣可以漫
為叟於戲吾不從聽於時俗不鈎加於當世誰是聲者吾欲從之彼
聲叟不慙帶乎笭箠吾文安能薄乎著作彼聲叟不羞聲斷於鄰里
吾又安能慙漫浪於人間取而醉人議當以漫叟為稱直荒浪其情
性誕漫其所為使人知無所存有無所將待乃為語曰能帶笭箠全
獨而保生能學聲斷保宗而全家聲也如此漫乎非邪久之拜道州
刺史初西原蠻掠居人數萬去遺戶裁四千諸使調發符牒二百函
結以人困甚不忍加賦即上言臣州為賊焚破糧儲屋宅男女牛馬
幾盡今百姓十不一在耄孺騷離未有所安嶺南諸州寇盜不盡得
守捉候望四十餘屯一有不靖湖南且亂請免百姓所負租稅及租
庸使扣市雜物十三萬緡帝許之明年租庸使索上供十萬緡結又
奏歲正租庸外所率宜以時增減詔可結為民營舍給田免徭役流

亡歸者萬餘進授容管經略使身諭蠻豪綏定八州會母喪人皆詣
節度府請留加左金吾衛將軍民樂其教至立石頌德罷還京師卒
年五十贈禮部侍郎



元次山集目錄

第一卷

補樂歌十首有序

網罟

豐年

雲門

九淵

五莖

六英

咸池

大韶

大夏

大獲

二風詩序

治風詩五篇

至仁

至慈

至勞

至正

至理

亂風詩五篇

至荒

至亂

至虐

至惑

至傷

二風詩論

第二卷

元謨

演謨

系謨

說楚何荒王賦

說楚何惑王賦

說楚何惛王賦

第三卷

閔荒詩一首

系樂府十二首

思太古

隴上歎

頌東夷

賤士吟

歎乃曲

貧婦詞

去鄉悲

壽翁興

農臣怨

謝大龜

古遺歎

下客謠

石宮四詠

與党評事

有序

與党侍御

有序

寄源休

有序

與灤溪鄰里

有序

喻灤溪鄉舊遊

忝官引

樊上漫作

訓裴雲客

訓孟武昌苦雪

漫問相里黃州

喻舊部曲

雪中懷孟武昌

喻常吾直為攝官

招孟武昌

有序

登殊亭作

漫酬賈沔州

有序

漫歌八曲

有序

故城東

西陽城

大回中

小回中

將牛何處去二首

將船何處去二首

第四卷

春陵行

有序

賊退示官吏

有序

遊右溪勸學者

遊惠泉示泉上學者

石魚湖上作

有序

宴湖上亭作

引東泉作

登白雲亭

漣陽亭作

有序

夜讌石魚湖作